

## Lydi's Sprüche 2007

**Vivat!**

**Mei Name ist Lydia – mit Zunahme Hanft  
Aber ich werd von allen nur Lydi genannt.  
Meinen Eltern die kennt jeder – die Hanfts von der Bank  
Mei Mutter arbet in der Gemee und da Vadder is da Blank!  
Als Trainer vun de Zwetten rennt er an de Linie aufgeregt nauf un nunner  
Das da noch ken Herzkasper gekriegt hot – dös is echt a Wunner!**

**Vivat!**

**Mei Plotzer – der Schnocken- dös is a so a Gesteck  
Denn letztes Johr hot a sich noch vurm Hanswurscht versteckt.  
Dös Johr ober ho ich na mir geschnappt  
Und mir sen zu zwert um Mäm rümgetappt.**

**Vivat**

**Das da sich dös nächst Johr noch mal antut – dös gieb ich net  
Denn dazu hot er viel zu sehr vermisst sei Bett.  
So an Stress setzt sich der Daniel net noch mal aus  
Da lieber nimmt a widder vurm Hanswurscht reißaus.**

**Vivat**

**Zu die Ständela ist da Schnaps scho in Strömen geflossen  
Und unner Lisa hat da ganz tüchtig mitgesoffen.  
Am nächsten Tag in der Kerch – mir ham uns ölla grad so hingesezt-  
Da ist die Lisa mit vulla Hamsterbacken widder naugewetzt.  
Fürs nächste Jahr geb ich dir hier einen Tipp so nebenbei  
Um Weg zu sparen –göck doch einfach nein Taufstee nei.**

**Vivat**

**Am Montags wars – wir hattn grad dann Göker unter die Erdn gebracht  
Und uns ölla aufm Wach zum Bimpf sein Garagen gemacht  
Da ruft da Pohland beim Rudi an und sprach mit Graus  
Lasst ihr mich und mei Plotzera widder aus dann Wirtshaus raus?  
Ihr habt uns eingeschlossen im Saal - einfach so  
Mir könn net ma mehr aufs Klo!**

**Vivat**

**Doch wo sie warn und was ham se gemacht  
Da Pohland verräts net und hat nur gelacht  
Vielleicht sen mir alle in 9 Monaten schlauer  
Denn solange soll ja bekanntlich a Schwangerschaft dauer!**

**Vivat**



**Jetzt will ich euch ma kurz berichten  
Über meine Eltern – da gibt's ja a paar lustige Geschichtn.  
Nein Urlaub wolltes sa – wie solls anners sei  
Die Mutters hots Urlaubsziel bestimmt – ohne groß Geschrei  
Denn sie wollt unbedingt widde zu die schwarzen Massai!**

**Vivat**

**Dös Fliegen is für mein Vadder eh scho a Graus  
Doch da möchte sich mei Mudder gar nix draus.  
In Kenia hat sa ihn nochmal nei verfracht - in so an klen Flieger  
Und ab gings in die Massai Mara zu die schwarzen Krieger.**

**Vivat**

**Mitten in de Pampa senn sa dann geland  
Un da stand scho da Massai im roten Gewand!  
Da sögt: Wir wolln zu Fuß ma das Gelände erkund  
Mei Vadder denkt: da läuft doch net ganz rund!  
Da sögt da Massai: „Wenn you see a Lion – you must run“  
Mei Vadder: weiß da Idiot net – das ich gar kee Englisch kann?**

**Vivat!**

**Dann sollt er noch nei an Fluss nein springa  
Und mit den Hippos und Krokos um die Wette schwimma  
Jetzt wurds mein Vadder endgültig zu heikel  
A denkt: „Nächst Jahr fahrn me höchstens bis Wanne-Eikel!  
Und will mei Fraa widder sah: Elefant , Löwe und Co  
Da fahr ich mitra nach Erfurt nein Zoo!**

**Vivat**

**Nu dreht euch nochma im Kreis und schwengt die Bee  
Und macht weit auf das Portmonee  
Denn in a poor Stund is ölles vorbei  
Die diesjährig Kermesmacherei!  
Mei Plotzer soll leben  
Die Conni und der Frank daneben!**

